

Syner til brev datert 28.10.2021 og møtet i fagrådet 26.11.2020 ang elektronisk rekvisisjon mellom sjukeheimar og Pasientreiser

I følgje rekvisisjonspraksis kan følgjande behandlarrgrupper utstede rekvisisjonar på medisinsk grunnlag:

- Lege
- Psykolog
- Jordmor
- Fysioterapeut
- Kiropraktor
- Logoped
- Audiopedagog
- Oversykepleier (sykehusansatt)
- Avdelingssykepleier (sykehusansatt)
- Faglig ansvarlig på røntgenavdeling og laboratorium
- Ortopedingeniør (i forbindelse med reise til spesialisthelsetjenesten som ikke kommer inn under Folketrygdloven kapittel 10)
- Ansatte i sosialtjenesten (bare i forbindelse med reise til rusmiddelinstitusjon for døgnopphold eller poliklinisk behandling)
- Tannlege (for tannbehandling som dekkes av folketrygdeloven § 5-6)

I tillegg kan oversjukepleiar og avdelingssjukepleiar samt fagleg ansvarleg på røntgenavdeling og laboratorium ved sjukehusa utstede rekvisisjon på medisinsk grunnlag. Ved reise til institusjon som yter tverrfagleg spesialisert behandling for rusmiddelmisbruk, kan tilsette i sosialtenesta utstede rekvisisjon.

Rekvisisjon kor rutegåande transport ikkje er tilgjengeleg blir utstett av Pasientreiser.

Det er med dagens ordning tilsynslegen sitt ansvar å rekvirere transport for pasientar inneliggande på sjukeheim. Pasientreiser er usikker på korleis dette blir praktisert i dei ulike kommunane i dag, men kommunane har komme med tilbakemelding på at dagens praksis er unødig ressurskrevjande og fører oppgåver over på ei fastlegeteneste som allereie er pressa.

Slik Pasientreiser oppfattar det ynskjer kommunane ei smidigare løysing for bestilling av reiser frå sjukeheim til behandling.

Pasientreiser anbefala behandlarar med meir enn ti rekvisjonar i mnd. å rekvirere elektronisk i vårt system. Per i dag er det ingen sjukeheimar i vårt område som er opp i eit slikt volum. Det er difor lite gunstig for Pasientreiser å legge til rette for elektronisk rekvirering.

Utfordringa har vore diskutert internt hos Pasientreiser Helse Førde og vi ynskjer å hjelpe kommunane med denne utfordringa, utan å skaffe Pasienteiser tilsvarande meirarbeid. Pasientreiser Helse Førde ynskjer difor å foreslå følgjande praksis fram til ny rekvisisjonspraksis er på plass:

Oversjukepleiar og avdelingssjukepleiar ved dei ulik sjukeheimane skal inntil vidare få rekvirere, men dette må skje per telefon, då volumet for elektronisk rekvirering per i dag er for lågt. Ordninga vil bli evaluert etter eitt år, så framt ikkje ein ny rekvisisjonspraksis vil legge nye føringer.

Før ordninga kan tre i kraft må vi be om ei oversikt over alle sjukeheimane og namn på oversjukepleiar og avdelingssjukepleiar.

Det er også viktig å merke seg at behandlar i primærhelsetenesta utsteder rekvisisjon på medisinsk grunnlag til førstegangsbehandling hos spesialisthelsetenesta. Ved dei påfølgjande behandlingane er behandlingsstaden, i dei fleste tilfella spesialisthelsetenesta, ansvarleg for å utstede rekvisisjon på medisinsk grunnlag for tur- og returtransport.

Mvh Trude Njøsen Helgås, seksjonsleiar Pasientreiser Helse Førde